

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԵՐԵՎԱՆ ՔԱՂԱՔԻ ԱՎԱԳԱՆԻ**

«---» հունիսի 2014թ.

N --- - Ա

ՈՐՈՇՈՒՄ

**ԵՐԵՎԱՆ ՔԱՂԱՔԻ ՎԻՆՅՈՒՄԻ ՓՈՂՈՑԻ ՇԱՐՈՒՆԱԿՈՒԹՅԱՆ ՀԱՏՎԱԾԻ
(ՆՈՐ ՆՈՐՔԻ 8-ՐԴ ԶԱՆԳՎԱԾԸ 9-ՐԴ ԶԱՆԳՎԱԾԻՆ ՄԻԱՑՆՈՂ ՀԱՏՎԱԾ)
ԿԱՌՈՒՑՄԱՆ ԾՐԱԳԻՐԸ ՀԱՍՏԱՏԵԼՈՒ ՄԱՍԻՆ**

Ղեկավարվելով «Երևան քաղաքում տեղական ինքնակառավարման մասին» Հայաստանի Հանրապետության օրենքի 73-րդ հոդվածի 1-ին մասի 24) կետով, «Տեղական ինքնակառավարման մասին» Հայաստանի Հանրապետության օրենքի 57-րդ հոդվածի 6-րդ կետի բ) ենթակետով, «Հայաստանի Հանրապետության բյուջետային համակարգի մասին» Հայաստանի Հանրապետության օրենքի 28²-րդ հոդվածի 2-րդ մասի գ) կետով և հիմք ընդունելով Հայաստանի Հանրապետության կառավարության 2006 թվականի հուլիսի 27-ի «Հայաստանի Հանրապետության համայնքների վարչական տարածքում գտնվող՝ պետական սեփականություն համարվող անշարժ գույքի (բացառությամբ հողերի), իրավաբանական անձանց կանոնադրական կապիտալում պետական մասնակցության, այդ թվում՝ անավարտ շինարարության օբյեկտների մասնավորեցումից ստացվող միջոցների տնօրինման կարգը հաստատելու մասին» N 1098-Ն որոշմամբ սահմանված կարգը՝

Երևան քաղաքի ավագանին որոշում է.

1. Հաստատել Երևան քաղաքում գտնվող պետական սեփականություն համարվող անշարժ գույքի (բացառությամբ հողերի), իրավաբանական անձանց կանոնադրական կապիտալում պետական մասնակցության, այդ թվում՝ անավարտ շինարարության օբյեկտների մասնավորեցումից ստացված միջոցների հաշվին Երևան քաղաքի Վիլյուսի փողոցի շարունակության հատվածի (Նոր Նորքի 8-րդ զանգվածը 9-րդ զանգվածին միացնող հատված) կառուցման ծրագիրը՝ համաձայն հավելվածի:
2. Երևանի քաղաքապետին սույն որոշման 1-ին կետով հաստատված ծրագիրը Հայաստանի Հանրապետության կառավարության հետ համաձայնեցնելուց հետո.
 - 1) առաջարկություն ներկայացնել Երևան քաղաքի բյուջեում համապատասխան միջոցներ նախատեսելու վերաբերյալ,
 - 2) համաձայն «Գնումների մասին» Հայաստանի Հանրապետության օրենքի 14-րդ հոդվածի 7-րդ մասի՝ մինչև ֆինանսական միջոցներ նախատեսելը, կազմակերպել շինարարական աշխատանքների ձեռքբերման գործընթացը:

ԾՐԱԳԻՐ

Երևան քաղաքում գտնվող պետական՝ սեփականություն համարվող անշարժ գույքի (բացառությամբ հողերի), իրավաբանական անձանց կանոնադրական կապիտալում պետական մասնակցության, այդ թվում՝ անավարտ շինարարության օբյեկտների մասնավորեցումից ստացված միջոցների հաշվին Երևան քաղաքի Վիլնյուսի փողոցի շարունակության հատվածի (Նոր Նորքի 8-րդ զանգվածը 9-րդ զանգվածին միացնող հատված) կառուցման

ՀՀ կառավարության 2006 թվականի հուլիսի 27-ի N 1098-Ն որոշմամբ սահմանված կարգով նախատեսված է Երևան քաղաքում գտնվող պետական սեփականություն համարվող անշարժ գույքի (բացառությամբ հողերի), իրավաբանական անձանց կանոնադրական կապիտալում պետական մասնակցության, այդ թվում՝ անավարտ շինարարության օբյեկտների մասնավորեցումից ստացված միջոցների օգտագործման վերաբերյալ առաջարկությունները՝ ՀՀ կառավարության քննարկմանն է ներկայացվում կապիտալ ծախսերի ծրագրերի տեսքով, որոնց իրականացումը ուղղված է բնակչության խմելու և ոռոգման ջրի, համայնքային նշանակության ճանապարհների, մանկապարտեզների, ինչպես նաև այլ ենթակառուցվածքների հիմնախնդիրների լուծմանը:

Երևան քաղաքի Վիլնյուսի փողոցի՝ Նոր Նորքի 8-րդ զանգվածից 9-րդ զանգվածին միացնող հատվածը անցնելու համար ներկայումս ճանապարհը շրջանցվում է, քանի որ տվյալ հատվածում առկա են ժայռաբեկորներ և ընդհանրապես ճանապարհային հատված առկա չէ: Հաշվի առնելով վերոգրյալը, ինչպես նաև տվյալ հատվածում երթևեկելի մաս ունենալու խիստ անհրաժեշտությունը տեղի բնակիչների համար, մշակվել են փողոցի տվյալ մասի նախագծանախահաշվային փաստաթղթերը համաձայն որոնց նախահաշվային արժեքը կազմում է **240,386.9** հազար դրամ:

Ծրագրով նախատեսվում է Երևան քաղաքի Վիլնյուսի փողոցի շարունակության հատվածի (Նոր Նորքի 8-րդ զանգվածը 9-րդ զանգվածին միացնող հատված) կառուցման աշխատանքներ, այդ թվում նաև տեխնիկական և հեղինակային հսկողության ծառայությունների գնման գործընթացները կազմակերպել **229,275.0** հազար դրամի շրջանակներում, ինչի դիմաց ֆինանսավորումը նախատեսվում է իրականացնել Երևան քաղաքում գտնվող պետական սեփականություն համարվող անշարժ գույքի (բացառությամբ

հողերի), իրավաբանական անձանց կանոնադրական կապիտալում պետական մասնակցության, այդ թվում՝ անավարտ շինարարության օբյեկտների մասնավորեցումից ստացվող սպասվելիք մուտքերի հաշվին:

Վիլնյուսի փողոցի շարունակության հատվածի (Նոր Նորքի 8-րդ զանգվածը 9-րդ զանգվածին միացնող հատված) կառուցման ծրագրի շրջանակներում նախատեսվում է.

- Վիլնյուսի փողոցի տվյալ հատվածում իրականացնել հողային աշխատանքներ 4-րդ և 7-րդ կարգի գրունտների մշակմում, մասնավորապես 7-րդ կարգի գրունտի մշակումը՝ պայթեցման եղանակով,
- Ճանապարհի կողային հատվածներում հենապատերի փոխարեն լուծումները տրվել են շեպերի եղանակով,
- Ճանապարհի ընդհանուր երկարությունը 537 մետր, լայնությունը 8-11 մետր (ներքին և վերին հատվածների լայնությունը տարբեր է), աջ և ձախ կողմերում մայթեր 1 մետր լայնությամբ,
- Տվյալ հատվածում նաև անցկացնել արտաքին լուսավորության միակողմյա ցանց թվով շուրջ 20 հենասյունների միջոցով,
- Կոպճավազի տեղադրում՝ $h=10$ սմ, խճային շերտի տեղադրում՝ $h=16$ սմ՝ բիտումի ներծծումով, խոշորահատիկ ասֆալտբետոնյա ծածկի տեղադրում (ներքին շերտ)՝ $h=6$ սմ, մանրահատիկ ասֆալտբետոնյա ծածկի տեղադրում (վերին շերտ)՝ $h=4$ սմ,
- շուրջ 4796 քառ. մետր ասֆալտապատման աշխատանքներ,
- նոր բազալտե եզրաքարերի տեղադրում՝ 1070 գծմ, միաձույլ բետոնե եզրաշարի կառուցում՝ 997 գծմ,
- Ճանապարհահատվածի աջ և ձախ կողմերում 2-ական անձրևաորսիչների տեղադրում՝ ճանապարհի մակերևույթին առաջացող ջրերը հեռացնելու նպատակով, ուղղորդելով դեպի ջրհավաք:

Ծրագրի իրականացման արդյունքում հնարավորություն կընձեռվի քաղաքացիներին անարգել երթևեկել Նոր Նորքի 8-րդ զանգվածից դեպի 9-րդ զանգված, միաժամանակ ունենալով բարձրակարգ ասֆալտապատ ճանապարհային հատված:

ՏԵՂԵԿԱՆՔ-ՀԻՄՆԱՎՈՐՈՒՄ

«ԵՐԵՎԱՆ ՔԱՂԱՔԻ ՎԻԼՆՅՈՒՄԻ ՓՈՂՈՑԻ ՇԱՐՈՒՆԱԿՈՒԹՅԱՆ ՀԱՏՎԱԾԻ (ՆՈՐ ՆՈՐՔԻ 8-ՐԴ ԶԱՆԳՎԱԾԸ 9-ՐԴ ԶԱՆԳՎԱԾԻՆ ՄԻԱՑՆՈՂ ՀԱՏՎԱԾ) ԿԱՌՈՒՑՄԱՆ ԾՐԱԳԻՐԸ ՀԱՍՏԱՏԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ՄԱՍԻՆ

Համաձայն «Հայաստանի Հանրապետության բյուջետային համակարգի մասին» ՀՀ օրենքի **28²**-րդ հոդվածի **2**-րդ մասի գ) կետի իրավաբանական անձանց կանոնադրական կապիտալում պետական մասնակցության, պետական սեփականություն համարվող անշարժ գույքի (բացառությամբ հողերի), այդ թվում՝ անավարտ շինարարության օբյեկտների մասնավորեցումից և օտարումից ստացված միջոցներն ուղղվում են Երևան քաղաքի համաքաղաքային կապիտալ բնույթի ծախսերի ֆինանսավորմանը՝ Երևան քաղաքի վարչական տարածքում գտնվող անշարժ գույքի, իրավաբանական անձանց կանոնադրական կապիտալում պետական մասնակցության մասնավորեցումից ստացվող մուտքերի **30** տոկոսի չափով:

ՀՀ կառավարության **2006** թվականի հուլիսի **27**-ի N **1098**–Ն որոշմամբ սահմանված կարգով նախատեսվում է նշված միջոցների օգտագործման համար սահմանված կարգով առաջարկություններ ներկայացնել ՀՀ կառավարությանը՝ համաձայնություն ստանալու համար:

Երևանի քաղաքապետարանը նախատեսում է Երևան քաղաքի Վիլնյուսի փողոցի շարունակության հատվածի (Նոր Նորքի **8**-րդ զանգվածը **9**-րդ զանգվածին միացնող հատված) աշխատանքների, այդ թվում նաև տեխնիկական և հեղինակային հսկողության ծառայությունների գնման գործընթացները կազմակերպել **229,275.0** հազար դրամի շրջանակներում, ինչի դիմաց ֆինանսավորումը նախատեսվում է իրականացնել Երևան քաղաքում գտնվող պետական սեփականություն համարվող անշարժ գույքի (բացառությամբ հողերի), իրավաբանական անձանց կանոնադրական կապիտալում պետական մասնակցության, այդ թվում՝ անավարտ շինարարության օբյեկտների մասնավորեցումից սպասվելիք մուտքերի հաշվին:

Ելնելով վերոգրյալից Երևանի քաղաքապետարանի կողմից մշակվել են Երևան քաղաքի Վիլնյուսի փողոցի շարունակության հատվածի (Նոր Նորքի **8**-րդ զանգվածը **9**-րդ զանգվածին միացնող հատված) կառուցման աշխատանքների նախագծանախահաշվային փաստաթղթերը, համաձայն որի աշխատանքների արժեքը կազմում է **240,386.9** հազար դրամ: Նշված աշխատանքների ձեռքբերումը նախատեսվում է իրականացնել գնումների մասին

օրենսդրությամբ սահմանված կարգով, ինչի արդյունքում մրցակցության շնորհիվ հնարավոր կլինի աշխատանքների գնումը կազմակերպել առկա միջոցների հաշվին: ՀՀ կառավարության **2006** թվականի հուլիսի **27**-ի N **1098**-Ն որոշմամբ սահմանված կարգով ՀՀ կառավարությունից համաձայնությունն ստանալուց հետո նախատեսվում է համապատասխան միջոցներ նախատեսել Երևան քաղաքի բյուջեում:

Հաշվի առնելով վերոգրյալը Երևան քաղաքի ավագանու քննարկմանն է ներկայացվում «Երևան քաղաքի Վիլնյուսի փողոցի շարունակության հատվածի (Նոր Նորքի **8**-րդ զանգվածը **9**-րդ զանգվածին միացնող հատված) կառուցման ծրագիրը հաստատելու մասին» Երևան քաղաքի ավագանու որոշման նախագիծը:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

Տ Ե Ղ Ե Կ Ա Ն Ք N 1

«ԵՐԵՎԱՆ ՔԱՂԱՔԻ ՎԻԼՆՅՈՒՄԻ ՓՈՂՈՑԻ ՇԱՐՈՒՆԱԿՈՒԹՅԱՆ ՀԱՏՎԱԾԻ (ՆՈՐ ՆՈՐՔԻ 8-ՐԴ ԶԱՆԳՎԱԾԸ 9-ՐԴ ԶԱՆԳՎԱԾԻՆ ՄԻԱՑՆՈՂ ՀԱՏՎԱԾ) ԿԱՌՈՒՑՄԱՆ ԾՐԱԳԻՐԸ ՀԱՍՏԱՏԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԱՌՆՉՈՒԹՅԱՄԲ ԱՅԼ ԻՐԱՎԱԿԱՆ ԱԿՏԵՐԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ԿԱՄ ԲԱՑԱԿԱՅՈՒԹՅԱՆ ՄԱՍԻՆ

«Երևան քաղաքի Վիլնյուսի փողոցի շարունակության հատվածի (Նոր Նորքի 8-րդ զանգվածը 9-րդ զանգվածին միացնող հատված) կառուցման ծրագիրը հաստատելու մասին» Երևան քաղաքի ավագանու որոշման նախագծի ընդունման առնչությամբ այլ իրավական ակտերի ընդունման կամ փոփոխության անհրաժեշտություն չի առաջանում:

Տ Ե Ղ Ե Կ Ա Ն Ք N 2

«ԵՐԵՎԱՆ ՔԱՂԱՔԻ ՎԻԼՆՅՈՒՄԻ ՓՈՂՈՑԻ ՇԱՐՈՒՆԱԿՈՒԹՅԱՆ ՀԱՏՎԱԾԻ (ՆՈՐ ՆՈՐՔԻ 8-ՐԴ ԶԱՆԳՎԱԾԸ 9-ՐԴ ԶԱՆԳՎԱԾԻՆ ՄԻԱՑՆՈՂ ՀԱՏՎԱԾ) ԿԱՌՈՒՑՄԱՆ ԾՐԱԳԻՐԸ ՀԱՍՏԱՏԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԵՐԵՎԱՆ ՔԱՂԱՔԻ ԲՅՈՒՋԵԻ ԵԿԱՍՈՒՏՆԵՐՈՒՄ ԵՎ ԾԱԽՍԵՐՈՒՄ ՍՊԱՍՎԵԼԻՔ ՓՈՓՈԽՈՒԹՅՈՒՆՆԵՐԻ ՄԱՍԻՆ

«Երևան քաղաքի Վիլնյուսի փողոցի շարունակության հատվածի (Նոր Նորքի 8-րդ զանգվածը 9-րդ զանգվածին միացնող հատված) կառուցման ծրագիրը հաստատելու մասին» Երևան քաղաքի ավագանու որոշման նախագծի ընդունման առնչությամբ Երևան քաղաքի 2014 թվականի բյուջեով նախատեսված միջոցներում փոփոխություններ չեն սպասվում:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ